



守寧行知錄卷二十四

再行勸民

照得寧民健訟相習成風本府五載之中不啻五申

三令無如錮弊已深迄今不改每當告期詞狀多至

百餘極少不下數十或為風水無稽之談或係爭親

無賴之事或小題大做或聲東擊西或縣案未結而

越聳或事經久斷而翻新妄肆株連任情誣捏代書

求准無計惟恐筆墨不靈不日衙蠹詐害則日勢宦

欺凌無非借此裝頭希圖聳人耳目本府熟悉奸險

率多批駁。卽間准一二。未必全真。雖本府涼德。不能使民無訟。亦由地方澆漓成習。訟師慫恿之所致也。况今夏旱魃爲災。乘此靈雨。急宜補種。車戽以冀秋成。卽不力田者。亦皆各有生計。一人失業。闔室啼餓。一日廢時。終年鮮飽。若復匍匐公庭。豈能各安本業。况事實得伸。所得不償所失。倘事虛而敗。出爾必致反爾。旣皆有損無益。何苦作祟興波。茲值開訟之時。除另示告期外。合再行誠諭。爲此示仰闔屬士民人等知悉。如係真正人命賊情。衙蠹喇棍。以及縣審不

公。冤枉有據者。許赴府控告。如戶婚田土錢債鬪毆小事。悉控縣審理。若事或可已。細繹本府之言。或自反息氣言情。或投明宗長里鄰論理。可了則了。不必到官。速速隨地所宜。急行補種。車水灌溉。殫力農功。守已經營。各安各業。卽爲良民。卽爲得計。毋得聽信訟師。自貽伊戚。有負本府一片婆心。其各凜遵。毋忽。

安巖學租

爲查安巖學田一百五十餘畝。上年據冊開荒蕪一十八畝零。已於本年二月間。飭行該縣名墾在案。豈該縣將荒者不聞名墾。反將熟者又行報荒。明有以熟作荒捏報之弊。至田畝雖有肥磽。年來盡皆豐熟。每畝租穀亦不下一百七八十斛不等。今據稱成熟田九十七畝零。僅收穀七千六十六斛。是每畝止收穀七十餘斛。明有以多作少侵漁之弊。秋米每石扣穀三百斛。難辭濫加重耗。租穀每百斛計銀二錢。時

價亦屬太輕。種種弊端。難以枚舉。設齊民有田一百五十畝。頗稱富饒之家。遇此豐年。而止餘七錢二分。是一口尚不足贍。亦何樂有此田產哉。總之。委官非吸露之寒蟬。胥役實貪饒之鼠雀。收租而又索耗於佃戶。安得開墾者有人。瓜分而盡。飽橐於奸胥。故爾完官者無幾。銅弊釀成。牢不可破。將來徹底清查。再收前賢之實效。於今日者。惟該縣是望矣。爲此仰縣官吏。查照來牌事理。卽將前項指駁。逐一確查。毋縱容捏報。成熟者計畝均收。毋徇隱侵漁。飽橐者嚴行

追究。輕價須增。重耗必減。速爲彙追解府。以憑奏賑貧生。當念前人置田贍學之意。毋第以具文視之。

戰船賠墊

照得官無私派。洵爲循吏。民知愛戴。自屬良民。本府據該縣士民王三錫等公呈。備陳該令從前修造戰船。獨任捐賠。並無妄派里民等情。前來本府。思協幫之事。先奉督院有後不爲例之批。勢不能再爲發棠之請。但官能拮据以完工。毫不派累於民。民又感激以陳情。不禁歸功於上。此二美具也。本府奚忍泯沒。合行獎勵。爲此牌仰鎮海縣官吏。查照來文事理。該縣既已清慎於前。更期勉勵於後。嗣後遇有分修分

造之處益加鼓勵。惟絕私以全公。勿始勤而終怠。勿易轍以改弦。本府雖人微言輕。亦當通為薦揚。以彰公道。於該縣深有厚望焉。

禁貼匿名

照得吏之臧否。上憲自有定評。事之曲直。問官自有公斷。寧俗刁梗。惡習頗多。苟有干於令典。本府歷行嚴禁。其最可痛恨者。無如散貼匿名揭帖。列款冤單一事。夫貼官是犯上也。犯上者有罰。貼民是誣謗也。誣謗者有刑。本府公出見沿街牆壁。字跡如鱗。非懷私怨。污蔑長官。卽係情虛。故稱冤抑。以鬼蜮之伎倆。作魑魅之生涯。甚至將問官看語。亦刊裱通衢。稍不如心。便添註脚。種種惡薄。難以枚舉。此等光棍。但

知取快一時。不知身罹三尺。查定例奉

上諭。如有投貼匿名揭帖事犯者。將投貼之人。及知而

不首者。俱着卽行處死等語。定例如此嚴切。爾等

乃愍不畏死。本府猶恐濱海愚民。罔知法紀。特行嚴

禁。爲此示仰闔屬軍民人等知悉。自示以後。務須恪

遵國法。力改前非。如敢怙惡不悛。仍蹈前轍。事發

按例究處。斷不寬假。所有該地方保長。不行查拿者。

亦照例枷責。並所貼之處。或係兵民門首。或係菴廟

寺觀。將家長住持。一并治罪。本府言出必踐。切勿視

爲常談。致干重典。噬臍莫及。慎之慎之。

曉諭事

照得碑列諸款。雖本府漸次奉行。皆出撫憲德意。故貞珉永勒。以垂不朽。今因碑亭告竣。爾士民演戲稱慶。本府俯從輿情之請。不忍負爾等愛戴之誠。但寧郡素稱瘠土。士多寒儉。民無益藏。卽貿易諸商。亦各經營况瘁。若唱和相隨。壘連不已。糜費金錢。反滋擾累。除十五日。本府亦循俗演戲一日。共慶落成。自今以往。其悉停止。毋忽。

...

申嚴溺女

照得溺女一事為害最奢。塞婚嫁之源。滅

朝廷戶口。遂殘殺之性。干

天地中和。累人增無室之悲。損已受絕嗣之報。種種不

一難以枚舉。寧郡相沿日久。恬不知非。屢經上憲嚴

禁。及本府諄諄告誡。亦幾筆秃唇焦。竊謂必天良發

現。痛改頹風。近據耆民畢應祈等具呈前來。是猶陽

奉陰違。此風之不改也。明甚。夫講報應說因果。載諸

刊布者。茲不具論。即如撫憲示約之外。又有勸文為

之較利害。分善惡。惕其良心。開其矇瞶。言之何等諄切。喻之曲盡周詳。苟有人性。未有讀之不痛哭流涕者。今仍恬不知悔。是爾等不畏天理矣。爾既不畏天理。本府則惟治之以王法。按世祖章皇帝時。憲臣題請嚴禁。爾等不遵。是逆旨也。撫憲又申禁約。爾等不遵。是叛憲也。蠢莫過於禽獸。虎狼不食其子。是爾等反禽獸之不若也。惡莫甚於盜賊。臨死猶戀其兒。是爾等反盜賊之不若也。夫人至於盜賊禽獸之不若。敢於逆

旨叛憲。尚可寬三尺。以繩其後乎。且聞之溺女者。必奇窮。必斬祀。絲毫不爽。貧人不養女。究竟無解於貧。况小時費升米尺布之微。長大尚可收聘金贍老之利。富人卽養女。究竟無損於富。卽有賠奩衣飾之累。猶勝於絕後瓜分之苦。何所見而必甘心於一女。斯亦惑之甚者矣。大惑不解。不得已而刑驅之。亦治亂民用重典之義也。查

大清律。凡祖父母。母父母。故殺子孫者。杖六十。徒一年。嗣後有溺女者。悉照此律。合再行申禁。爲此示仰府屬

士民人等知悉。約以出示之日爲始。除溺女之家。按律治罪外。如左右鄰並甲長不行首報者。查出一并重究。倘有乳內病亡。喚左右鄰甲長驗明掩埋。或有奸棍挾仇混報者。反坐。本府鐵面冰心。斷不寬假。其各凜遵毋忽。

特行勸諭

照得四明夙稱人文淵藪。兩浙十一郡中之勁敵。掄魁奪解。歷有其人。今鄉試榜發。七學俱落孫山。本府聞報歎息。不勝惋惋。清夜靜思。或者提調之督率不力。歟。教官之講課不勤。歟。抑爾多士之揣摩未熟。歟。昨閱賜教諸卷。皆屬名宿。未嘗不烟雲滿紙。珠玉揮毫。而賢書不收。卒遭擯別。則何以故。大約大場與小試不同。必須合式。始可命中。今科首題。自有正解。近日文風。俱歸趨勁。苟有陳言之未盡。便非新裁。苟或

寧行知錄 卷二十四
書旨之未真。卽同說夢。必有平日之素養。斯能快意於風簷。爾諸生勿謂三年日久。不知轉瞬卽屆。若因之氣阻廢勤。豈不有負本府期望之意。爲此示仰屬學諸生知悉。自今場後。卽矢志芸窗。看書必求透徹。語局悉合新腔。果其造如渾金璞玉。不愁不破壁飛騰。昌黎云。業患不能精。無患有司之不明。行患不能成。無患有司之不公。此語當銘座右。勿厭饒舌。再風水一說。本府從不深信。茲則不得不惑之風水矣。或有當培補者。爾諸士平心公議。商酌舉行。毋忽。

杜失火之源

照得寧郡突被火災。爲害甚烈。雖曰天意。亦由人謀之不臧。當此五方雜處之區。無高墻複道之屋。名曰瓦房。非竹卽木。兼且比戶聯楹。人居稠密。一遇祝融。遂致蔓延不止。而人又便安無備。平居漫不小心。如同燕雀。臨時救火無具。束手倉皇。更有一種無知愚民。填街塞巷。袖手旁觀。既不救鄉鄰之急。反阻人往來之途。是誠何心。更訪聞乘機搶奪。實繁有徒。緣無人告發。姑置不論。合行飭禁。爲此示仰閭屬人等知

悉嗣後凡爾居民。無分晝夜。互相告誡。謹慎留心。每家門首。置水一缸。鈎竿木梯桶索各一副。以備不虞。所有花炮起火之物。悉行禁止。毋得貨賣。起火之處。除鄞縣并捕官到地催督人戶救火。其餘首領佐貳。分把各口。如手無救火之物。卽係搶火之人。不許就近挨擠。有妨搭救。如有不遵者。定行嚴拿究處。此皆爲爾百姓身家所係。寧爲思患預防。毋致焦頭爛額。有負本府一片婆心。

弛禁放燈

照得時和年豐。氣必有其先兆。民安物阜。理自得與同歡。官民之休戚相關。上下之憂樂與共。本府蒞寧五載。興利除害。罔敢偷旦夕之安。防奢戒淫。竊恐破閭閻之鈔。幸爾邦儉樸成風。與本府樽節之懷。雅相吻合。素所嘉予。但客歲水旱頻仍。今不宜再形寂寞。况春爲歲首。百務從新。恭逢舜日堯天。宜彰太平景象。且和名祥而乖名異。總自人心。苟喜旣溢而沴潛消。半參月令。坐見否轉爲泰。何妨豫以啓豐。今本府

於十五十六十七三日。命演梨園一部。曲成夜月光
分。特散寶炬數團。配就銀花影合。與爾童叟。共樂昇
平。爲此示仰闔屬人等知悉。此數夜金吾不禁。大放
花燈。寶馬香車。任踏紅塵之路。銀燈火樹。齊瞻萬井
之烟。第春酒傳柑。毋躑躅而亂德。及扶藜觀唱。毋嘍
嚨而興波。倘有藉醉生端。乘機作忒。本府則繩之以
法。斷不姑容。其各諦聽。毋忽。

勸民急時

照得一歲之計在於春。四民之業成於勤。不樂無以
昭太平之盛。太康亦非屬良士之謀。本府分曹部省
時。伏覩

朝廷每於上元之節。錫宴賜餽。演齣張燈。躬親盛事。因
念明州往歲之荒。今春預兆豐年之慶。不惜小費。以
博同歡。借此嘻笑之聲。一洗乖沴之氣。詎意爾等百
姓。亦各自行掛燈。衢歌巷舞。連宵永夕。本府見輿情
踴躍。不忍禁止。猶恐其間起釁生端。是以不時親行

查視。幸里井安恬。風和人靜。不致喧呼生事。深爲喜悅。但樂不可極。勤不宜忘。合行出示勸諭。爲此示仰閭邑人等知悉。自茲各守本分。速謀生計。士與士勸親燈火於芸窗。農與農勸力耕耘於東作。工相勸以治材。商相勸而營運。務使家家有慶。戶戶咸豐。共享盈寧之休。以應首春之兆。庶不負本府矚望殷懷。其各恪遵毋忽。

曉諭開訟

照得

本朝定例。有開訟定期。恐小民無告而含冤。又有停訟定期。恐小民刁健而廢業。凡爲爾百姓計者。法良意美。無非欲化頑梗之習。以成刑措之風。本府蒞寧。五載有餘。自慚未能化桁楊爲道德。然而息爭寧民。乃其素志。况當水旱之後。十室九空。正宜各勤生業。以冀安全。若再匍匐公庭。廢時失事。民日益困。俗日益偷。甚非本府愛民之意。亦非爾等自愛之謀。昨自開

甲以來。攔街投詞。隨文遞狀者。不一而足。因時當停
訟不收。間有一二。見其情形懇切。抑似有冤。及收閱
又非急務。雖本府不厭批示。而民情之不淑。已見一
斑。今正當二月初三日開訟之期。合行出示曉諭。爲
此示仰闔屬人等知悉。除人命盜案。衙靈光棍。以及
屬官受賄徇情。聽斷不公者。仍依期赴本府衙門控
告。外如有戶婚田土。鬪毆錢債。宗房之議。不恤里鄰
之評不遵。勢不得已。赴縣呈告。苟稍可消釋。各各安
心樂業。毋聽訟棍搬唆。毋聽訟師簸弄。毋舍本務而

爭一日之是非。毋費資財而填胥役之谿壑。俾本府
庭可羅雀。爾民自比戶可封。如再以小事不依告期。
臨街喊控者不收。卽收亦不閱。閱亦不准。徒費工夫。
徒費紙筆。何如就一日之間。力一日之業。省數分之
銀。救數口之饑。享昇平而謀聚族。孰得孰失。其各思
之毋忽。

定海遠在

照得爲政之要。務清其源。圖治所先。貴絕其弊。恭逢
我

皇上仁威遐播。四海昇平。海隅日出。靡不怙冒。定邑爲
新設縣分遷。遣黎民望其來歸。四方趨附。資其開墾。
然其間不無驅逐蠹役。借爲三窟。惟賴縣令駕馭。有
法不使作奸。則利不興而自興。害不除而自除。此等
初歸之衆。百務從新。受塵之人。諸凡草創。其最要緊
者。無如嚴禁私派。此輩逐腥老蠹。一犯再犯。旣革又

革無地容身幸此邑新建可以潛藏少圖金穴在縣
令以其稍知文移可以承上應下姑爲容留因糧少
民稀支應無術首必導之以私派至私派一行而不
被其牽鼻者鮮矣夫私派行民怨之蠹利之官便之
而究竟蠹享其利者官必懼其禍若私派絕蠹怨之
民利之官苦之而究竟民受其利者官必蒙其福今
本府爲先事之防不憚爲履霜之戒爲此牌仰該縣
官吏查照來牌事理各各洗心滌慮小心奉公不得
借端私派本府不時察訪倘有發覺官卽飛叅役斃
杖下各保功名性命毋致噬臍莫及

申嚴賭博

照得賭博一項

新例綦嚴不行查拿文武官俱干

處分本府涖寧三載履行禁飭筆秃脣焦提憲自下車以來亦不啻五申三令無非欲爾兵民各安職業其相改悔無如言之諄諄聽之藐藐獨不思營兵一餉一家衣食所需百姓數錢數口饑寒待命若復呼盧遂成畫餅贏者虛名得彩輸者括盡空囊銀錢半入頭家究竟於已何益甚至生業既廢貧乏難支索逋無償妄念遂起小則穿窬偷竊大則搶劫行兇以

守寧行錄 卷二十一 四
致盜案陳陳獄囚纍纍貽害於地方不小此皆賭棍
窩藏引誘故爾相率成風本府業經訪拿邵平遠等
重責枷示營兵賀老二等移行究處外合行再示申
禁爲此示仰闔郡人等知悉嗣後各守生理洗滌肺
腸時時警懼人人勸勉想到枷責革糧之苦便當安
分畏法想到父母妻兒之望便當立志成家想到充
軍問徒絞斬之因便當保全身命如有仍敢不遵三
尺具在斷不爲爾等寬假更鄰佑地方不舉者一并
重究思之思之無貽後悔

包娼放債

照得地方之害最壞於有娼風俗之衰莫甚於無耻
相沿旣久恬不知非而又有奸棍豪徒包攬覓利遂
致蟠結敗壞而未有已寧郡自開海以來商賈雲集
然里民未見殷饒洋估每傷虧本多由有限之金錢
耗入妓館無多之衣食填在青樓尤可恨者貸錢放
債據爲壟斷之場倚勢恃強視爲膏腴之穴使之娼
復買娼陷蛾眉於烟花寨裏因之利上加利吸蠅血
於脂粉叢中是以本府前行驅逐不欲貽害地方或

冀少諒婆心各宜幡然改悔近聞桃花渡雖已逐去
有等無耻棍徒仍爲藏匿但不開門揖客依然閉戶
追歡揆厥所由皆因宿債未清強留取值自視城狐
可恃任意居奇獨不思水戶孽錢非惟不能致富報
且及於妻兒歷年舊逋似乎即使盡償利已浮於子
母可已不已殊爲喪心至於龜兒鳩母同在人儔甘
爲異類男耕女織何在不可以營生糶穀販絲何物
不堪爲資本脫此火坑便是清涼世界離此醜業便
是乾淨良民試爲清夜自思埋頭縮頸受不潔之臭

名割肉抽筋供無良之私橐是可忍也抑獨何心本
府不爲不告之誅爰申再三之令爲此示仰闔郡兵
民人等知悉自示之後各宜痛改前非速行出境如
有仍前藏匿強留他所或被告發或經訪聞民則盡
法重懲兵則移營究處非惟原券抹銷抑且直窮到
底本府鐵面如水有言必踐各宜凜遵毋致噬臍

再申賭禁

照得賭博之禁文武均有責成本府下車以來法語
與語屢經告誡前訪邵平遠賀老二等以及逆
烹賭案內之徐翼芳虞天擎等俱經重責枷示賭風
爲之一熄以爲自此再不煩文告矣近訪聞開場設
局偏在營房宦室初則誘之曰贏現銀輸賒賬似乎
便宜究竟輸者傾家以償贏者赤手而散既則誘之
曰勾富室另翻梢原本可圖究竟新賭者隨來隨盡
舊賭者愈趨愈深凡此不盡圈囹無非坑人陷阱所

牛寧行錄 卷二十四
可怪者平居自稱體面獨賭卽奴隸甘與爲伍正務
萬分鄙吝獨賭卽妻孥亦所不顧倘至事敗受枷受
責勢所不免而尊長猶多方代爲講說豈知近賭近
盜實基於此哉揆厥所由在久居寧郡者亦知本府
鐵面難於講情或謂借營名色猶煩詳移獨不見營
兵多取百姓數瓜提臺訪知猶責枷示衆而况賭博
之風尤素所深惡而禁絕者本府訪聞已確除現在
查拏詳究外合行示禁爲此示仰各項人等知悉凡
有此輩外來者速行遠竄流寓者急卽革心毋害我

人民毋誘我子弟所轄士庶各各改悔毋自墮其家
聲毋自喪其產業地方見遞務須不時查察密報本
府作主毋畏其勢要毋利其賄遺苟有所犯斷不姑
恕在本府原非不教之誅爾等各凜冰淵之戒慎之
毋忽

守寧行知錄卷二十五

緝奸杜害

照得叢林爲納汙之所海外尤爲藏奸之地普陀山寺懸隔島洋自展復以來聚集緇流盈千累百且往來燒香者又復繹絡不絕恐其間不無賢奸雜處稽查不可不嚴但一寺之主責在住持而立法之善權由該縣前據該縣詳僧人照音住持本寺旣已選擇得人宜必護持有志務使訓誡法侶同守清規共遵戒律庶與提臺高僧講解感格兇暴之說相符其瞻

禮人民願酬歸里斷不遷延倘或依回卽有別故毋
得容留該縣仍不時稽察如有犯戒不法之僧面生
存留之輩卽行舉報責逐不使奸慝潛匿名山始得
肅清合行嚴飭爲此牌仰定海縣官吏查照來牌事
理卽行轉飭住持一一恪遵務使清淨道場永安香
火勿致疎虞自取噬臍

嚴禁生員

照得訟者不平之鳴也不得其平官爲之伸冤理枉
苟得其平尚期其敦讓興仁故和息一事亦親民者
所樂聞奈寧俗刁詐健訟成風或因口角小忿或因
蠅頭微利或借遠年舊事或托合里公詞控縣不已
輒控府控道一經騙准則藉此挾詐鄉愚及至餽獻
充囊遂串包攬劣衿無品寒士攔和請息此輩利慾
薰心奴顏婢膝匍地哀求不日金筆生春則日懇恩
作養雖窮丐亦認爲至親卽異類亦引爲子姓但得

官允揚揚得意爰是講謝金索酒食重重小民既被
原告之嚇詐又遭和事之需求典家蕩產忍氣吞聲
可勝道哉夫士爲凡民之首誠閉戶讀書潛修待價
守令聞之誰不歛容相敬若非中非見非故非親祇
爲此有限之銀錢嗟來之酒肉爲人匍匐公庭哀憐
求息斯文掃地名教何存廉耻旣無聲名俱墮欲令
人不賤之輕之庸可得乎如事果可已何不和之於
未告之前而必和之於旣告之後如情果願息何不
請之於里閭之子而必藉此衣頂之徒總因原告捏

詞情虛明知難於對理乃串通棍黨居中調停無賴
青衿出頭強息憑詞狀作生涯藉衙門爲壟斷本府
屢見縣詳深知此弊府詞如此縣詞可知在縣官但
厭審訊之勞樂行姑息之政明知小民受害祇畏惡
劣把持將學憲門簿之設視爲虛文以秀才和息之
詞認爲故套以致士風日頹訟端不熄殊可痛恨合
行嚴禁爲此示仰闔郡士民人等知悉嗣後爾百姓
非命盜重案投里黨宗族講明設遇豪強棍蠹方赴
官司告理不得仍踵故習借訟爲囹圄利作好生員

謹守臥碑不與外事寧令長官式廬毋令有司揜鼻
卽被告人等果係理直不妨到官毋聽串害暗受魚
肉如敢仍前於告後生員攔息原告先行重懲卽按
以誣告之罪生員發學戒飭且問以起滅之罪縣官
一并記過決不徇縱凜之毋忽

督征錢糧

照得民間地丁銀兩皆係軍國所需雖有司餉府餉
之分而其不容遲緩則一寧屬上年水旱頻仍兩收
歉薄本府是以瀝情上請暫將司餉緩征荷蒙憲允
知照遵行在案迄今新秋已屆早穀業已登場况今
歲風雨時和四郊豐稔若再不行征收愚氓無知罔
圖遠慮勢必作無益之費反致正賦將來莫完徒受
敲朴有負本府從前代請寬恤之意合行飭催爲此
牌仰該縣官吏查照來牌事理將本年司餉乘時開

征小民半載休息又值新稻收成自必急公上納轉
瞬晚禾卽穫便可照限全完但須寓撫字於催科開
誠勸輸源源征解仍將起解日期差解姓名先期申
報毋得遲違

親臨追比

照得慈谿縣地丁錢糧拖欠不完本府誥誠不啻三
令五申法語巽語其於勸勉之道可云靡所不至使
慈邑士民平日少萌亦宜少知愧悔急公完納豈疲
玩刁惡之習漬入骨髓等 國法於弁髦視官長爲
兒戲今封印在卽瞬息歲暮而地丁條銀尚欠五千
餘兩夫以今歲之豐稔較去年之大稜而反不及去
年之完納是豈士民人等之少存天良者乎况兵餉
急如風火計口授食刻不容緩本府擬於某日親臨

該縣按冊追比限三日內全完合先曉諭爲此示仰
慈谿縣欠戶士民人等知悉速將本戶田畝應納錢
糧糧米如係紳衿貢監飛赴該學投納如係里民拖
欠馳赴該縣縣丞衙門投納若此誥誠敢再不行速
完在爾旣不知有身家性命本府惟執有三尺士卽
據欠飛揭褫究民卽重杖不饒本府言出如山法在
必行各宜猛省毋貽後悔凜之慎之

請憲禁飭

照得定海係新經展復地方所有甫集居民非失業
復歸之窮黎卽多方招徠之墾戶瘡痍未起撫恤宜
加全賴官斯土者文武同心抑強扶弱斯小民得以
樂業資生漸臻繁庶茲據該縣詳稱普陀建造大殿
欽奉

皇上發帑修寺止需木料二百餘株今總鎮旗官多帶
兵丁假公濟私任意封砍民木數千不止甚至踐傷
禾苗申請禁飭前來足見該縣實心任事關切民瘼

殊堪嘉尚除據文轉詳外爲此牌仰該縣官吏嗣後
如有事關地方害及民生者卽據實具詳以憑通詳
究治本府硜硜成性但知有國法罔知有情面該
縣果能爲百姓作主本府何憚而不爲該縣作主其
始終勿渝以副厚望勉之毋忽

嚴飭事

照得寧郡屬邑夙稱淳樸邇來風俗頹敗日卽於瀆
要其轉移開導莫先於訓迪尤貴於精明苟能不爲
所欺彼自作奸無術嘗見刁健險詐之輩借箸訟師
無事生波架出空中樓閣或索債而云抄搶或相毆
而稱截殺或病故而借命居奇或殘疾而僞爲毀折
或用碗磁自勒或用蓮葉煎湯或用芋莖塗體種種
粧點膚懇不一首逃首盜多係挾仇稱盜稱奸無非
貝錦更可恨者鋪張舊事臚列款單訟師旣逞其刀

筆于証又受其賄買必須廉明邑宰細心體察平心
研訊庶可力爲昭雪本府會歷刑曹最悉此弊數載
守郡屢燭其奸合行飭知爲此牌仰該縣官吏查照
來牌事理凡有聽訟務須隔別詳審務得真情毋但
信一偏之詞致干失出失入之咎該縣政聲所關其
各留意至於興行教化潛移默導易漓爲樸是尤所
望於爾各令者也

嚴禁濫載

照得定海山坐懸海外來往航船不許濫載多人業
經詳明各憲定有額數履行出示禁飭在案近聞不
法船戶利在人衆錢多仍復任意裝載搭船兵役利
在先開速往不無恃強擁擠當此海洋巨浸波浪洶
湧倘有不虞盡飽魚腹獨不思多數文錢鈔買不得
性命停片刻工夫悞不了生涯况今春夏之交風汛
不常尤爲堪虞爾等但取快一時罔知利害及至顛
沛捨地呼天何不防範未然安流穩渡除飭縣不時

委官查拿外合再行出示嚴禁爲此示仰船戶人等知悉嗣後務須遵照舊額大船載四十人中船載三十人小船載十五人照船之大小將人數刊刻木板釘於船艙如有多載定行枷責如有兵役不遵許扭稟本處地方官指名詳府以憑詳移究治本府諄諄告誡無非以爾等生命所關不忍坐視勿謂利涉無關正務有負本府一片婆心也

申嚴火耗

照得愛民者務去其害。率屬者宜清其源。縣令之易於染指。百姓之苦於敲骨者。莫如火耗。昔日之火耗。明取之。今日之火耗。暗增之。如自封投櫃。原爲慮民加耗而設也。憲行嚴切。孰敢不遵。然封者民。而拆者官與吏。不盈其數不止。是投櫃時無耗。而臨兌時仍有耗。再加以以補銀。水補缺。平是耗之中。又耗增之中。又增外托廉潔之名。陰收烹肥之實。革弊而弊旋生。此本府之所以痛心疾首。不勝嘆息者也。夫小民

終歲勤動。收穫尚有豐歉之不齊。上父母。下妻子。胥於田畝。是賴。使於維正之外。又肆誅求。民何以堪。且居官者

朝廷予以俸祿。其役使之。人與一切經費之用。悉有定額。開銷。而猶希圖羨餘。以充囊橐。於心何忍。其弊皆由蠹胥。狼狽爲奸。多方慝患。或云上司有敲兌之費。或云一年有禮節之儀。不過借以應公。原非入己。且暗取私增。可以掩飾。故官聽信之。而不疑。獨不思今日之上憲。冰清玉潔。餽遺屏絕。收兌公平。毫無累下。

卽本府自下車。以至今日。兵餉隨到隨收。畧多分釐。封付解役。放餉之日。卽給原封。諸凡年節生辰。并手本。亦不收看。爾各令。亦可謂安然無累矣。倘再不肖。應公平入己乎。况害關通邑。防民之口。甚於防川。一有發覺。則操三尺以繩其後。身家性命隨之。是以每年開征之日。各憲俱有示禁。嚴切週至。本府不復續貂。惟於牌檄中。再三申飭。因見榜示通衢。從無告發。數加訪問。未有確聞。私心竊幸。但恐始遵終怠。爲善不終。偶墮奸蠹局中。蹈襲偷鈴故智。本府有表帥之

任。不得不再加叮嚀。爲此牌仰該縣官吏查照來牌事理。凡徵收錢糧。止許照部頒法馬。正收正解。不得多取分釐。貽害里下。倘有故違。或經訪聞。或經告發。本府惟有指名揭報。究之身名俱敗。悔之無及。該縣試觀報中露章官員。可爲寒心。諸胥試思從前作弊蠹役。俱有現報。交相勉惕。毋致噬臍。

申嚴佐貳

照得佐貳等官。不許擅准詞狀。及亂用夾棍。拶指等刑。定例處分甚嚴。正印官不行查報。亦干失察之咎。本府自下車以至今日。時與僚屬諄諄告誡。不啻至再至三。况奉

上諭地方大小衙門官員。各簡詞訟。勸導閭閻。俾守分息爭。共安生業。欽遵在案。又奉督撫兩院開誠化導。頒示禁飭。凡在屬員。自宜一體遵奉。罔敢或踰。乃聞尚有不顧功令。擅受民詞。或聽勢豪之囑託。或憑

胥役之播弄顛倒是非濫用重刑官蠹分肥鄉愚受害獨不思勢豪可畏

朝廷獨不可畏乎胥役可聽上司獨不可聽乎曾見受賄貪員攜銀歸家買田置宅者有幾人曾見毒刑酷吏保全身命養兒育孫者有幾人况爾等受一詞用一刑小不過數錢大不過數兩且持帖而來命僕而諭者欲行則行欲止則止有錢者什之四無錢者什之六自喪良心爲人牛馬究竟何益不如忍目前之艱苦釀將來之福澤斷不可貪有盡之脂膏貽無窮

之隱憂合行嚴飭爲此牌仰某官攢查照來牌事理嗣後非奉上司批行一切詞訟不許准理如有批發審理事件亦不許擅用夾棍拶指等刑敢有故違定行揭報叅處決不姑徇各宜凜慎毋致噬臍

嚴禁聚衆

照得天時亢旱。雨澤愆期。雖天道之爲災。由人事之多咎。自官及民。均當修省悔過。焚禱虔求。庶或可冀甘霖以邀善祉。茲同城文武官員。設壇步禱。近又按董子春秋繁露之法。晨夕虔求。爾民或心切田疇。自可隨壇行禮。夫何聚衆成羣。手持义棍。鳴鑼揚幟。遍繞通衢。及詢其故。則曰捉雨捕風。夫陰陽和而風雨時。乃天地自然之氣。考之經傳。質之道藏佛書。從無捕捉之說。且以祀典之神。而加此不遜之語。勢必益

滋天怒。近見雨至而即止。雲興而即散。未必非爾等侮慢簡褻之所致。况汝等人既及乎成百。械不離乎手中。一有相爭。血氣所使。狂逞莫顧。其隱害更有不可勝言者。本府身在地方。難容含默。合行飭禁。爲此示仰軍民人等知悉。嗣後爾等百姓。但許赴壇拜禱。各安本業。再敢仍蹈前轍。即將爲首者重責枷示。本府兢兢成性。果其循由禮義。卽芻蕘而必採。倘事涉怪誕。雖怨讟而不恤。各宜遵守。毋貽噬臍。

再行嚴禁

照得天時亢旱。闔屬爲災。本府身在地方。蒿目傷心。與爾百姓同爲關切。第挽回無術。居官者惟修省步禱。爾士庶亦當閉戶悔過。庶或天怒可回。甘霖可沛。夫何寧俗野陋。借祈雨爲由。聚衆執械。張旗鳴金。名曰迎神。竟爲兒戲。夫山川社稷。風雲雷雨之神。載在祀典。惟守土之官得祭。爾士庶祀竈祀中。雷自有常儀。今乃舍常祀不祀。而越禮犯分。神其享之乎。况龍爲湖海之靈。使之日招搖於道路。城市之中。玩弄如

蜻蛉蠅蜓之屬而欲冀其降福卽以人情度之當亦有所不能甚而無賴兇徒借此逞強借此報復不思聚衆迎神有禁聚衆行兇有條罔顧律例任意胡行如王正旭張瑞上等以毆打傷折控矣翁懋昭等以拆屋毀居控矣現在提審此其明驗爾等既不畏鬼神又不畏王法天方厭惡反肆無良吾恐降災降荒方未有已安肯以陰膏救兇惡之儔失福善禍淫之柄哉本府前經示禁已一一拈出今所言皆驗尚不悛改豈必欲本府置諸法而後已耶嗟嗟民固無知士何不達興言及此堪恨堪憐合再出示嚴禁爲此示仰士民人等知悉細繹示詞皆屬至理各宜恪遵迂和止禍如敢仍蹈前轍卽將爲首之人按律治罪決不輕恕此係自罹法網非本府言之不早勸之不諄且切也慎之毋忽

祈求雨澤

照得雨澤愆期。西成焉望。本府旣膺民社之責。不勝痼瘼之懷。業經設壇恭請龍神。齋戒祈禱。幸於初二初五初八。稍見微雨。但未幾卽止。風來雲散。未獲甘霖。雖天時之違和。自必人事之有缺。本府夙夜修省。檢點案牘。無時不切心禱。今仍擇於本月十四日。另行建壇。謹按董子繁露之法。懇求外。合行出示。曉諭。爲此示仰。闔屬官吏士民人等。知悉。毋飲酒。毋茹葷。毋弔喪。毋問疾。沐浴虔誠。於十四日齊赴南壇祈禱。

各家仍照繁露之法。潔祀竈神。毋違。

開濬河渠

照得晴雨者陰陽之氣。山澤通而雷風薄。二氣達而雨澤時。考諸經傳。歷有其文。寧屬旱魃為災。商羊不舞。合郡文武官員。先迎龍神於壇埏。繼行繁露法於南郊。凡可以為民祈禱。無不悉心畢舉。近查城內河渠無水者。竟阻泉流。畧有水者。積成污濁。地氣如此。壅塞尚何望。夫滂沱况失。此不治惡穢薰蒸。將來以亢曠之毒。釀為疫癘之災。為禍尤烈。合行出示曉諭。為此示仰軍民人等。知悉凡臨河居住者。各人門首

寧行知錄 卷二十五
自行開濬務期深浚毋得推諉與其執械迎神於烈日毋寧荷鋤盡力於家門與其聚衆而爲生事之階毋寧率伴而收溝洫之利矧通渠得雨歷有成效勿謂本府之言爲迂而鮮當也所有各衙門河道自應身先決不役使累民毋得畏顧

祈求雨澤

照得入夏以來。天道亢旱。本府憂心如焚。設壇虔祈。幾無虛日。自前月廿七八以後。各處紛紛報雨。方幸

天怒之稍回。猶慮民瘼之堪憫。已經詳請動積穀以接濟。免按畝捐輸以息肩。現蒙藩司批准轉詳在案。忽於十五日聞廿三都有執械請龍聚衆闕堂一事。此固百姓一時之無知。或亦甘霖之未足。今本府特捐俸資前請天師府法官二員赴該縣虔禱。外合行曉諭。爲此示仰該縣里民人等知悉。爾百姓人等各宜

守寧行錄 卷二十一
一體虔誠齋戒共行祈禱毋得鳴鑼執械聚眾迎神
如有故違定將爲首之人照新例治罪各宜凜遵
毋忽

特行誠諭

照得邑宰一官

天子命來令斯土原於民有父母之稱上不愛下是爲
曠職下不敬上斯爲逆民苟非披毛帶角之倫未有
不識尊卑之分者不意爾慈素稱文學名邦猶有互
鄉如廿三都者前闕堂一事其釁起於迎龍迎龍之
非本府已經示禁反覆譬曉想所共聞夫迎龍不可
何況執械執械不可何況無端揮拳於兵役喧嚷乎
縣堂破案毀鼓不幾令天日爲昏居然叛逆形逕哉

本府原擬通詳各憲窮究餘黨按律擬戍以昭國典。因念蚩蚩赤子原屬無知一經執法株連扳扯必無噍類更恐光棍刁徒乘機索詐既已不免於法又復重傷於財雖自作之孽豈不堪痛堪憐本府稔知實繁有徒姑開三面但將馮成董丙翁五三犯枷示無非使爾等知法不可犯官不可欺縣堂不可闕官物不可毀兵役不可毆尤欲使爾等知縣官不通詳之恩本府不誅求之意悔罪改過好義明紀爲善士爲良民若不知寬宥出於格外以爲法止於枷責剛

愎不悛則刑法繩之於後反負本府從前忠厚待人之心合行示諭爲此示仰慈谿縣士民人等知悉嗣後務聽本府之言須明禮講讓愛親敬長尊上急公忍爭息鬪以廿三都馮成等爲戒乘此清平盛世擊壤鼓腹共樂堯天是本府之所深望於爾民者也。

嚴禁捏報

照得

朝廷愛養百姓無事不切痾瘵凡地方一遇灾荒必予蠲租免稅所以昭撫恤之仁然必令地方官踏勘分別造冊所以杜冒欺之弊近寧屬旱魃爲虐連旬不雨本府憂心如焚屢檄各縣查報誠恐壅於上聞以致百姓無告無如安分者固多而刁奸者亦復不少或有早禾俱已秀實亦曰立見枯槁或有晚禾俱已種插亦曰秋成失望或有臨河尚可車戽亦曰水涸

田乾或有被雨猶得滋濡亦曰草黃地赤意以原隰
遼濶莫能稽查假借乘機或邀 帝澤不則亦圖將
來爲賴田主租穀之本爲抗縣官比糧之謀不知果
屬亢旱爲殃必一鄉之中一都之內盡屬焦枯如有
熟有荒卽由人力之勤惰非雨露之不齊卽如本府
所過張斌橋七里塾化成菴新橋李家洋小白河頭
天童街等處係二四五六七八都地方早禾內有成
熟七八分八九分不等卽晚禾亦皆苗青葉秀猶有
遞呈告荒者此地之民情亦大槩可見矣按律人戶

冒報災傷者計畝笞杖徵糧入官律例如此森嚴何
苦自干法紀卽或僥倖漏網小民德涼福薄豈容詭
避 皇糧天眼恢恢亦斷不令刁徒得志也除一面
行縣知照外合行出示曉諭爲此示仰士民人等知
悉如果成災地方悉赴該縣呈報入冊必取里遞甘
結地鄰互結俟本府親勘得實以憑轉詳請憲 題
蠲如有捏報或被人告發或經查出卽按律究處決
不姑貸本府恐爾等無知懼法蹈不教之誅故不憚
筆舌之勞其各體此意毋忽

守寧行知錄卷二十六

示期賑粥

照得水旱爲灾盛世不免惟賴撫綏有術庶乎不致
流離近見紹屬灾黎鳩形鵠面孳女扶男來寧竟無
虛日自城市以及村落相聚如林當此東作將興何
肯反奔外郡細爲揆茲無告諒非出於得已本府目
睹傷心不勝憫惻雖分符原自各有分土而鄰官豈
忍異視鄰民晝夜徬徨憂心孔亟况寧民亦當灾眚
之後上下補苴僅可自給何能施及流亡恐展轉溝

壑者行將遍土青燐矣前曾繪圖上請將謝岐昌哥
米移發散賑資其歸計但此輩饑餒日久勢難稍緩
須臾擇本月初十日起量地酌中於小教場地方委
員先捐發米一百石逐日按期煮粥以延殘喘合亟
示知爲此示仰外來流民人等知悉爾等屆期前往
粥廠就食俟各憲批本府前詳到日再行酌量給米
稍資歸橐各還鄉井以圖完聚但爾等悉皆菜色疴
羸腸胃俱枯筋力悉憊毋強飽反致傷生毋擁擠自
遭踐踏有負本府拯救苦心

曉諭寧民

照得苦莫苦於災黎而無產者尤爲無告。急莫急於
東作。而有業者始克有成。寧屬自上年疊遭水旱。歉
薄少收。本府時念民艱。綢繆布置。不惜繪圖上請。并
借貸告糴鄰封。幸爾民得度新年。猶守鄉井。今本府
平糶之米將到。有銀者可免騰貴之虞。開倉之令弘
施。有產者可收出陳之益。惟茲極貧百姓。買售無貲。
倉糧莫貸。甚厪余懷。荷蒙提憲。其切痼瘼。先捐銀五
十兩。又捐穀一百石。此皆格外鴻恩。再查本府自捐

與勸輸穀一千餘石。鄞縣勸輸穀亦四百有奇。迄今陸續催收。尚未得完。業經行縣造冊。另期示賑。合行曉諭。爲此示仰闔屬貧民人等知悉。爾等真正窮民。卽速赴縣報名入冊。安心候賑。但此僅可爲朝夕之謀。不能爲終歲之計。乘時力業。永圖溫飽。是又所望於爾百姓也。

再行催船

照得寧紹分壤原有各子其民之義。本府婆心素具。初無此疆彼界之殊。前見流民顛連。用是惻然在念。兩請上憲移米就賑。以資歸橐。先期煮粥以潤枯腸。卽於在廠時。飭令互結。以杜侵冒。仍造冊移送紹屬。補給本地賑米。爲爾等悉心區畫。業已曲盡無餘。又念此流散哀鴻。悉皆筋疲力竭。其中婦女老幼。舉步尤爲不前。况當春雨時濛。泥濘不免負米而趨。更屬艱難。不忍貽纖毫之憂。更爲萬全之計。本府再捐米

守寧行知錄 卷二十六 三
僱船江干令舟子裝載送回各邑無非欲爾等早歸
鄉井有事西疇爲今年一歲之謀免受饑寒之苦誠
恐有等無知愚民但思領米不圖歸計殊不知不赴
西壩則米不得領船不得坐此典難以再逢若或赴
彼影射冒領仍潛寧境移冊到彼查不相符使上憲
同寅或笑本府爲受騙或疑本府爲虛文不幾將此
一番美舉反壞本府聲名天理人情安在合再行出
示曉諭爲此示仰紹屬流民人等知悉爾等各宜互
相覺察果係同都同邑與夫一縣相近者方許互結
請領不得瞻徇以及朋比作奸致取罪戾領後卽坐
船回籍一渡慈航卽見故園桑麻鷄犬安心本業可
免死喪流亡孰苦孰樂得失昭然其各諦聽毋負本
府一片苦心

曉諭貧民

照得寧屬上年苦遭水旱兩禾薄收閭閻艱難自必異於平昔惟爾窮民既無產業熟歲亦如荒年何況米價日騰寧無其嗟鮮食本府用是惻然自捐清俸出簿勸輸幸文武同心共勦義舉紳衿富戶各願解囊共得穀一千八百餘石鄞令又復自捐勸助亦得穀四百有奇今示期委員於適中處所分賑此皆同城各官之惠同鄉梓里之施凡得斗升宜知所自但其間戶繁人衆分之僅可謀數朝夕爾等雖貧代耕

守寧行錄 卷二十六 示檄
亦可食力樵採亦可營生或有一技一術皆可覓鈔
覓錢惟不習勤難辭凍餒合行出示勸諭爲此示仰
受賑窮民知悉爾等得此穀食乘此謀生宜敦鄉里
同井之誼無忘守望相助之風卽爾等報德之區亦
卽爾等終年之計其細繹余言毋負諄諄告誡

曉諭事

照得此番賑濟乃係上年被災都畝內無田產無生
計極苦之窮民有田產者在借穀之項有生計者俟
平糶之行均不在此番賑濟之內昨據求賑各呈本
府細閱如一二都等都畝以及各隅上年原未報災
俱有收成再內有稱力農失收者其有田畝可知有
稱肩挑小藝者其有營運可知尤可笑者內稱所居
路遠里遙不到家造冊有稱里遙漠不關心不代報
名有稱在外生活今始歸來者獨不思業經大張告

示汝要賑穀尚不關心不親赴報名里遞何能代汝
報名逐家請汝領賑乎况此穀石係各官捐俸紳士
富戶樂輸止有此數非如有正項錢糧可以動支者
可比今已賑完無存欲再補行本府俸已盡捐發棠
又不可復實力與心違除應查者發縣查覆外爲此
示仰各都隅人等知悉各宜體諒須知博施濟衆古
聖所難卽餘上二縣流民之賑本府亦爲爾地方起
見毋得借口各生妄想自悞本業其靜思毋忽

特賑無產

照得慈邑上年被災民間薄收本府憂心孔棘凡可
爲民請命無一不晝夜圖維其期安集有產者已經
詳請借穀以應燃眉有業者又經貸銀買米以資平
糴惟此無產無業極貧之百姓尚未沾恩先經行令
勸輸茲據該縣報稱自捐穀二百石勸紳士商民共
捐穀一百三十六石前來本府以爲數無幾復倡捐
清俸並令各縣同捐又共得穀四百石除一并飭該
縣收領查明造冊散賑外但被災之地原有不同而

災民之中不無分別恐爾等不察尚有田畝者亦懇
難堪現在手藝者亦云莫告或思冒支或生怨望亦
未可定合行曉諭爲此示仰慈邑被災都畝人等知
悉此番賑濟端爲被災獨重窮民凡屬里長務必確
查畝內真正無產無業現在人口據實報名入冊送
縣親身聽賑不得將有產有業者混開私領自干察
出取罪而此受賑百姓亦當知官俸早已屢捐此穀
悉皆減食分惠宜體上意安分守己共敦親睦之風
力業營生各圖衣食之本一體諦聽毋忽

隨漕改折

照得本府欽荷

皇恩守寧六載凡可以加惠爾百姓者無不力行請命
至於邀恩各有款項未可藉口朦混也案查撫憲

題請移蠲康熙三十二年漕糧乃係杭嘉湖三府北
運之米若寧紹等八府本色月糧米折銀並非蠲免
之項故三十二年之米折等銀業於三十一年提徵
給丁濟運其三十二年隨漕各項蒙糧道詳明出示
月糧淺貢錢糧於正月地丁內統徵分解本色月糧

守寧行錄
米折於四月開徵解道隨經抄發遍示在案今乃據
慈谿縣里民嚴寶炫王佐潮等公呈稱漕米先同淺
貢徵完在前所有滯欠秋米細戶藉稱蠲免任催不
理等情殊不思徵完在前者乃係隨漕之月糧米折
並非奉蠲之漕米若不行示知將來悞餉悖

旨小民受其責比紳衿受其禡革殊爲可憫合再出示
曉諭爲此示仰闔屬軍民人等知悉卽將該戶額徵
秋米上年未完者立速全完本年應納者按月輸納
毋得混稱抵扣延挨不納本府非不知爾百姓薄收
之後拮据維艱但兵米斷不可遲官糧斷不可欠務
須竭力完公自免追呼之擾其各諦聽毋忽

申嚴禁例

照得郡城內外設有地方總甲名目無非使之專司稽查俾外來面生可疑之輩難以潛踪寧郡自海禁大弛之後商賈雲集五方雜處兼密邇普陀又爲進香孔道往來如織尤易隱藏雖保甲現在舉行法久廢弛視爲故事往往以例不得容留之人慢無覺察殊不知

功令森嚴凡旗人住過十日喇嘛住過三日同城各官悉有處分十甲鄰佑均干問罪若不預行申禁貽累

匪輕除一面行郵縣飭禁將地方總甲姓名造冊送查外爲此示仰闔屬軍民人等知悉嗣後毋論兵房民舍菴堂寺觀客店郵亭凡有外來面生之人不得聽其停留卽有冒充某衙門親友者亦須報明查奪如一甲之內有敢擅賃房屋潛留居住者地方總甲卽將房主本人報官以憑查究如敢扶同徇隱不報或別有發覺或經本府差人訪出地方人等一併重責枷示決不輕貸各宜凜遵毋貽後悔

乘時蓄水

照得民之所重惟農農之所資惟水雖雨暘由天燥濕任地古人設置塘堰堤閘亦所以補天地之窮爲因時儲洩之計寧屬負江阻海向稱澤國宜畏潦而不畏旱乃上年一遇不雨遂紛紛告災收成歉薄今年春膏頻降甫屆麥秋稍晴數日近城小河卽漸就淺枯本府細揆其故多由水利不修小民漫不關心官吏視爲故事又有無知愚氓圖通小艇啓閉不常更希盤淺偷決隄防旣不阻遏奔流宜其涸可立待

妨害農功莫此爲甚除一面行縣飭禁外爲此示仰
府屬人等知悉凡有塘堰傾圮者急行修築有堤閘
應閉者毋令偷開乘時蓄聚倘遇甘霖時澍洩放原
不甚難萬或雨澤愆期車戽亦易爲力爾等終歲之
計悉賴畝畝

國家軍食所需惟資耕鑿如有故犯立行究懲其各凜
遵毋忽

飭回轅門 署道事檄

照得本道轅門外班人役俱係屬邑撥送爲出入執
事所需今本護道雅慕昔賢露冕之風不欲多列儀
從以辟道路前項人役無所用之若不飭令回籍非
但各役工食徒使虛糜且念該役廢業拋家逍遙於
此亦非與衆休息之意除諭令各回安業外合行該
縣知照施行

照得觀察分司有振肅紀綱激揚清濁之任凡日行
案牘非屬

勉飭勵精 署道事檄

欽部要務卽係督撫憲行定有限期難容叢脞今

聖天子在上大書垂訓清慎之後繼之以勤無非欲大

小臣工夕惕朝乾共勩至治也本護道署篆以來查

各屬奉行之案雷厲風行依期完結者固有其人而

玩日愒月屢檄罔聞者亦復不少闕茸因循殊非政

體豈以五日京兆而不力爲勸懲與賢有司共圖敏

守寧行錄 卷二十六
政以副循卓之選乎合行通飭爲此仰府縣官吏照
牌事理卽將承奉一切事件查照原行依限報結果
其勵精有效本護道卽以案牘之清釐覘力行之勤
情并以力行之勤惰考官方之殿最據實詳請院憲
分別獎勵以爲薦剡先聲風紀攸存慎勿以代庖之
勸勉爲無關輕重也

照得

欲振士風

署道事檄

聖朝雅化首重育才故設學以養之卽設官以教之論
秀書升始基泮水膺斯席者必期顧名思義砥行政
文日進士子而督課之俾其毋荒於嬉毋毀於隨始
云克盡厥職不愧爲人師也本護道守寧六載不以
簿牒之冗稍疎校士之懷月有課季有試拔其文之
尤者刊布國門謬爲各上憲所鑒許况身爲司鐸豈
宜玩愒從事致宮牆之內閉戶潛修下帷苦志者不

知所勸出入公庭武斷鄉曲者不知所懲設官分職之謂何而漫無警飭如此亦曾念一歲中士之在泮肄業者幾何人官之橫經講藝者幾何日乎該府縣有統帥之責若不亟加整肅士習必致日頹文風何由丕振合行申飭爲此仰府縣官吏照牌事理即便轉行儒學遵照嗣後務須董率諸生各礪廉隅勤修學業每月分題課藝嚴加勸懲以仰副

朝廷愛育人材至意本護道卽詳請院憲獎勵以爲卓異先資倘或因循尸位一任生員廢業犯科卽以該

學溺職揭報勉之慎之

嚴禁私派

署道事檄

照得台屬各邑界在山陬海澨之間土瘠民窮卽惟正之催科猶須兼以撫字若復私加濫派民力何堪乃有不法吏書每借公務設法等項名色派累里民以填貪壑有司一受其愚聲名立敗殊不思賦役有定全書之外溢取絲毫卽干

新例煌煌禁令孰敢不遵况各上憲清風惠政剔弊釐

奸申嚴私派之禁不啻諄諄誥誡本護道六載守寧三署道篆惟有上遵憲飭下念民瘼現今紹屬流民

盈千累百來寧求食者尚不惜多方給賑資其歸計
矧台屬百姓爲本道統轄上年水旱相因秋成歉薄
正物力維艱之候官斯土者尤宜曲加軫恤豈以代
價暫時竟忍膜視累民而置諸不問耶合行嚴禁爲
此仰縣官吏遵照來文嗣後務須恪守法紀正賦之
外毋使吏胥舞弊派擾民間以仰副

聖朝愛養民生至意倘仍陽奉陰違私加濫派以重困
我民或經告發訪聞官卽揭報役拿法處本護道水
心鐵面久爲遠近所共信決不姑徇使小民有向隅

之泣也

諭民各安 署道事示

照得寧台所屬非臨海滙卽係山陬小民耕鑿之外
多以漁鹽爲業邇年以來海禁大弛

聖天子仁恩汪濊遍及蒼生各上憲惠政風清孚於下
邑爾百姓生逢盛世正含哺鼓腹之時也乃訪聞台
屬地方多有游惰之民不務生理荒蕪未墾風俗猶
衰演戲燒香男女雜遝恬不知恥也衣服飲食競鬪
奢華日甚一日也婚嫁之接親送親居喪之請客謝
喪攔街設宴聚衆喧呼尤非禮法也甚至歛錢生事

每啓釁端使酒罵座反與獄訟其流弊更無所底止也殊不思勤苦所以成家節儉所以積福且省得一時之忿可免終訟之憂孰得孰失孰安孰危爾百姓清夜自思必知悔悟何苦以有用之歲月而失業拋荒以有限之貲財而無益妄費乎合行出示曉諭爲此示仰該府縣軍民人等知悉嗣後各依生理循分自安農者力耕於田工者各習其藝商者以貿遷爲務賈者以居肆營生惟取布帛菽粟之常勿爲奇技淫巧之事從此侈靡永絕儉朴成風親遜無爭訟端不起可以保身家之溫飽稱太平之良民於爾百姓有厚望焉倘或怙終不悛一有犯發三尺具在本護道執法如山不能爲爾恕也

禁革私立

署道事示

照得有司身在地方事事宜恤民隱卽有相沿錮弊尚應力爲祛除何況特設厲政貽害小民

例禁綦嚴豈容寬貸如太平一邑地處山僻物力荒殘爲民父母者風清弊絕加意撫綏猶恐窮簷之下未能卽臻殷阜本護道訪聞該縣每都設立都長一名凡發買料物等項俱係加派細戶從中肥已甚至武斷鄉曲起滅詞訟亂法嚼民不一而足夫百姓膏血幾何豈堪任此腹削况今各憲體

皇上加惠元元之意三令五申無非欲屬員愛養百姓
其樂昇平如此蠹弊叢生殊可駭異合行出示禁革
爲此示仰天台縣官吏軍民人等知悉前項都長名
色永行革除如或陽奉陰違仍前設立爲害地方或
被里民告發或經本護道訪聞卽將官揭吏處并都
長嚴拿法究本護道實心任事兩郡稔聞斷不以署
篆爲傳舍而稍有瞻徇也

觀風事

署道事示

照得寧台錯壤並傳名勝之區山海鍾靈自蔚人文
之盛陸稱賀季清韻猶存楊說項斯高名未泯是以
衍詩書之澤推甲第於浙東論子弟之良比風流於
江左大塊之生才不盡假以文章

聖朝之造士方殷哀於學校本護道六年出守三掌監
司課寧士而文登剗久聞紙價之高率台庠而業
擅英華雅切緇衣之好已窺班豹者冀其月異日新
未接雕龍者遙擬雲興泉湧合行涓日循例觀風爲

此示仰道屬府縣學生監儒童知悉聽候示期集於
公所考試彙封試卷送本道校閱務須盡斯永日各
展文心萃筆精墨妙之長備秋實春花之美障川如
砥柱能廻大海之瀾擲地作金聲不讓天台之賦非
第此日佳篇光生梨棗併卜他年

皇路頌作菁莪在多士無金玉而有遐心本護道且借
丹鉛以爲刮目

嚴禁白役

署道事示

照得台郡地方東北界連寧紹西南壤接金溫山路
崎嶇不通舟楫來往之人勢必須用損夫兜轎貧窮
之子卽藉扛擡趨食營生冷飯一包日行百里奔馳
負重無異馬牛寒暑不暇避困憊不能休此等苦役
苦情稍有人心者當無不惻然動念也詎地方各官
積弊相沿任意驅使不思差使經臨原有額設均平
夫馬足以應付又各衙門自行差遣之事每人每站
官自實給銀一錢奉有憲行乃一概擅用民夫派累

都里除現在嚴拿禁革外更有無良兵役假借公幹
行差將此白役之夫又復百般凌虐多裝行李不管
重擔難挑急趕程途猶道疾行是慢罵詈不止加以
鞭笞嗟此凍餒窮夫惟有吞聲飲泣與言及此殊可
痛恨合行出示嚴禁爲此仰該縣軍民夫役人等知
悉嗣後應付差使俱用均平夫馬不許白役民夫派
累都里其各衙門差遣兵役等項需用人夫俱照民
間平僱按站緩行輕裝行李不得肆行凌虐試思夫
役猶夫人也各有身家各營衣食何忍白役而濫用
之且空手徒行者登山陟嶺尚多汗喘况於肩負重
任又何忍凌虐而督責之本護道一片婆心諄諄勸
誠務各凜遵毋自貽戚





